

# Kangirhitjutikhaq

## Trichinosis

### **Qanuq taimailivaktun trichinosis-nik (qupilrut aanniarutiit)?**

Mikiyuq kaimalugiktuq qulpilrut taivagait *Trichinella-mik* aannialaqitivaktun inungnik. Una qupilruq aannialaqivaktait aivgit, nanuit, titirangniat, qingmitlu. Inuit aannialaqivakhutik nirigaangamik uuhimangitunik niqqinik aanniarutiqaqtunik huraadjanin.

### **Qanuripat aannialaqigaangamik?**

Niriguvit aanniarutiqaqtunik niqqinik aannialaqivaktutin taima 3nik 21niklu ublunik atugiilgumik. Qupilguit aqiarungnin aulavaktun aungmun niqainaqnutlu imailititivakhuni: aqiaquqliqvaktun, niqangitlu uullugiahuliqvaktun, aqiaruqliulikhutiklu, inngattaliqvakhutik, hakuikhutiklu, kidjalaqvakhutik, uvinirlukhutiklu iyiingitlu puvipkakupakhutik.

### **Qanuriliurutiqaqqan aannialaqigumik?**

Havautituqharnik tuniyauniaqtutin 10nik ublunik havautikharnik munarhitkunin piigiangat qupilrungnin. Havautituqtaungitkuvin, trichinosis-nin aannialaqiyuaqitivaktun huiqtitivakhunilu.

### **Uuhimangitunik niqqinik niriunaiqtukhaliktunga?**

Imanaq. Nirihimaagiangat nunami niqqinik nakuutqiak inuhirnun. Ihivriutaulugu niqqit niritinagu. Qiqitihimayut auhimapkakhimayutlu niqqiit tutqutigilimaitun qupilingnik. Niriumaliruvit uuhimaitunik niqqinik qillaminuaq igayukhauyan aannialaqinnaitumik.

### **Qanuq ilitagitaagtunga uuhimaitun niqqiit qayangnaitun niriyaangat?**

Ihivriutjutiqaqtuq taima qupilruit maningitlu niqqinmiituqaqqan. Aanniarutiqaqtun huraadjaat aanniangitumik ittun qupilruit mikivalaagamik takuyaangat.

### **Qanuq ihviriugiaqaqtaga niqqit?**

Ihivriutikhaq akiqangituq. Niqqimik mikiumik qaritulutin (uqaqmik) munarhitkunun Anguniaqtuliqiyikkutnluuniit (HTO).

### **Qanuriliugiaqaqtatka aanniarutiqaqtun niqqit?**

Nirihuirlugu, huraadjanunlu niripkaktaililugu aannialaqitaaqmanik. Apirilugit Anguniaqtuliqiyiikkut, Anguhiqiyiinun, Avatiliqiyunutlu Havaktinun taima qanuq ihuaqiamik igitiyaangat aanniarutiqaqtun niqqiit.